

SCRIPT OF MORNING GOJRI NEWS BULLETIN 24DEC 2025 1015HRS

مارننگ گوجری نیوز بولیٹن 24 دسمبر 2025

یوہ آکاشوانی جموں ہے محمد اکرم تیں خبر سُنو۔

AROMA MISSION AWARD

کل راشٹریہ پتی بھون مانہ منعقد دوجی راشٹریہ وگیان پراسکلو تقریب مانہ صدر جمہوریہ درویدی مرمو نے سائنس تے صنعت تحکیک بارے کونسل غے زیر قیادت کم کرن آلی اروما مشن ٹیم مانہ جموں کشمیر گا بھدرواہ تے گلمرگ ٹاون شپ تیں شروع ہو غے جموں کشمیر مانہ خوشبو دار پھلاں غی کاشت تے پرسسنگ مانہ فروغ دی واسطے بڑا پیمہ ور سہرايو تے اعزاز نال نوازیو ہے ایکس ور اس بارہ اظہار کرتا مرکزی وزیر ڈاکٹر جتندر سنگھ نے لکھو ہے کہ پرپل انقلاب غو تصور تحفہ دین تے لاونڈر مانہ زرعی صنعت واسطے ایک نواں رستہ غا طور ور پیش کرن مانہ ٹیم گا تعاون گا اعتراف مانہ ٹیم ادھا مانہ راشٹریہ وگیان پرسکار 2025 واسطے مبارک باد ہے ان تیں علاوہ ڈاکٹر سوریش کمار انگورانا بچا گا ماہر جہڑا گروٹہ پنچی گرائی ضلع ادھمپور گا رہن آلا مانہ وی صدر جمہوریہ نے وگیان یووا پرسکار 2025 بچیاں غی دیکھ بھال گا شعبہ مانہ اپنا تعاون واسطے اعزاز نال نوازیو ہے۔

VLW PAYLEVEL

وزیر اعلیٰ عمر عبداللہ گی زیر صدارت منسٹراں غی کونسل نے محکمہ ترقی گے تحت کم کرن آلا پنچایت سیکرٹریاں گی تنخواگی سطح مانہ بدھان غی منظوری دتی ہے یوہ فیصلو تھلے گی سطح گا کارکناں گی دیر مطالبہ گا جواب مانہ ایو ہے جس گو مقصد ان گی کوششاں مانہ تسلیم کرنو تے اُن گا حوصلہ بلد کرنو ہے وزیر اعلیٰ نے ترقی مانہ سانجہ کرن واسطے سوشل میڈیا گو سہرو لیا تے دیہی انتظامیہ مانہ مضبوط بنان تے اولین سطح ور ملازمی غی مدد واسطے حکومت گا عزم مانہ اُجاگر کیو۔

RANA MEETING

جل شکتی جنگلات موحولیات گا وزیر جاوید احمد رااے ترقی مانہ تیز کر و توجہ مرکوز کرتا واں پیر پجال خطہ غے متعلق بُیادی ڈھانچو تے انتظامی امور گو جائیزو لیو وزیر موصوف نے عمل درآمد گا طریقہ کار انہ مضبوط بنان تے خطہ مانہ جاری ترقیاتی کماں مانہ تیز کرن غی ضرورت ور زور پایو تانجے عوام واسطے ہر وقت تے ٹھوس فوائد مانہ یقینی بنایو جاسکے اجلاس غے دوران آر اینڈ بی ڈویژن مانہ تحکیکی افسراں گی کمی ور وی تفصیل غور کیو ایک تے میٹنگ مانہ وزیر رانا نے جمو شہر گا بکھ بکھ علاقاں مانہ پین گا پانی گا مسائل گو جائیزو لیو اُنہاں نے متعلق افسراں ور زور پایو کہ وے تلپل مدتی تے طویل مدتی حکمت عملی بناویں تاکہ شہر گی موجودہ تے مستقبل مانہ پین گا پانی گی ضرورت مانہ پائیدار طریقہ تیں پورو کیو جاسکے۔

PROP ATTACHED

جموں کشمیر پولیس ے غلام بی شاہ عرف ڈاکٹر فائی غی جائیداد نانہ ضبط کرلیو ہے جہیزو ایک اشتہاری محرمہ تے مہیہ پاکستانی ایجنٹ ہے جس نانہ آئی ایس آئی گو مالی سہولت ماون دسیو گیو ہے پولیس نے کہیو ہے کہ یہ کاروائی 2020 گی ایف آئی آر نمبر 46 گا سلسلہ ماہہ کی گئی ہے جہیزو پولیس سٹیش بڈگام مانہ غیر قانونی سرگرمیاں غی روک تھام ایکٹ گی بکھ بکھ دفعات غے تحت درج کی گئی ہے تے اس ور منسلک مجاز اتھارٹی گا احکامات گے بعد عمل کیو گیو۔ عہدے داراں نے کہیو ہے کہ یوہ اقدام غیر قانونی تے ملک دشمن سرگرمیاں مانہ ملوث افراد غے خلاف جاری کاروائی گو حصو ہے تے اس طرح مرکز گے زیر انتظام علاقان مانہ دہشت گردی غی فنڈنگ تے متعلقہ نیٹ ورک نانہ روکن گی کوشش جاری رے غی۔

RAILWAY SCRATCH RAKES

شمالی ریلوے گا جموں ڈویژن نے ٹھنڈ مانہ گئی تھند غی وجہ نال ہون آلی تاخیر نانہ کہٹ کرن تے مسافراں گی سہولت نانہ بہتر بنان واسطے سکریچ ریک متعارف کروایو ہے اس نظام غے تحت ایک اضافی مکمل طور ور تیار ایک نانہ اسٹینڈ بائی ور رکھیو جے تے جدوی تھند یا اپریشل مسائل غی وجہ نال اصل ریل گڈی مانہ تاخیر وے تاں اس نانہ استعمال کیو جے یوہ سہولت جموں توی۔ اجمیر ایکس پریس تے، شری ماتا ویشنو دیوی کٹڑہ، نوی دلی، کٹڑہ ایکس پریس واسطے نامز کی گئی ہے حکام نے کہیو ہے جے ہر ویلے گڈی چلایا جان نانہ یقینی بنان واسطے سکریچ ریک نانہ تعینات کیو جے گو تے اگر تاخیر سات گھنٹاں تیں یادہ ہو جے یا غیر معینہ مدت تک ہو جے غی۔

ROLL BALL GOLD MEDALLIST

کھیڈاں مانہ قومی تے بین العوامی سطح ور جموں کشمیر نانہ فخر محسوس کران آلی رول بال عالمی کپ مانہ سونا گو تمغو حاصل کرن آلی سوویدھا سری تے ہینیشور سنگھ نانہ جمو کشمیر کھیڈاں بارے کوسل گی سیکرٹری نظہت گل نے مبارک باد پیش کی کھیڈاریاں نانہ رول بال نال منسلک کھیڈاں مانہ مسلسل شاندار کارکردگی ور مبارک باد دیتا وائ محترم گل نے کہیو کہ اُن غی کامیابی مرکز غے زیر انتظام علاقہ مانہ کھیڈاں گا بدھتا واہ روجان غی عکاسی کرے۔ تے نال نال نوجوان کھیڈاریاں گی حوصلہ افزائی وی کرے اُنہاں نے ہنر نانہ پروان چڑھن کھیڈاں گا بنیادی ڈھانچہ نانہ مضبوط بنان تے قومی تے بین العوامی سطح ور مسلسل کامیابی نانہ یقینی بنان واسطے مسابقتی نمائش فراہم کرن واسطے حکومت گا عزم ور زور دتو ہے۔
